

JAMHURI YA MUUNGANO WA TANZANIA

BUNGE LA TANZANIA



ORODHA YA SHUGHULI ZA LEO

MKUTANO WA SABA

KIKAO CHA KUMI NA SITA

3 MEI, 2017



ORODHA YA SHUGHULI ZA LEO

MKUTANO WA SABA

KIKAO CHA KUMI NA SITA – TAREHE 3 MEI, 2017

I. DUA:

II. HATI ZA KUWASILISHA MEZANI:

WAZIRI WA AFYA, MAENDELEO YA JAMII, JINSIA, WAZEE NA WATOTO:

Hotuba ya Makadirio ya Mapato na Matumizi ya Wizara ya Afya, Maendeleo ya Jamii, Jinsia, Wazee na Watoto kwa Mwaka wa Fedha 2017/2018.

MWENYEKITI WA KAMATI YA HUDUMA NA MAENDELEO YA JAMII:

Taarifa ya Kamati ya Huduma na Maendeleo ya Jamii kuhusu utekelezaji wa majukumu ya Wizara ya Afya, Maendeleo ya Jamii, Jinsia, Wazee na Watoto kwa Mwaka wa Fedha 2016/2017 pamoja na Maoni ya Kamati kuhusu Makadirio ya Mapato na Matumizi ya Wizara hiyo kwa Mwaka wa Fedha 2017/2018.

MSEMAJI MKUU WA KAMBI YA UPINZANI KUHUSU WIZARA YA AFYA, MAENDELEO YA JAMII, JINSIA, WAZEE NA WATOTO:

Taarifa ya Msemaji Mkuu wa Kambi ya Upinzani kuhusu Wizara ya Afya, Maendeleo ya Jamii, Jinsia, Wazee na Watoto juu ya Makadirio ya Mapato na Matumizi ya Wizara hiyo kwa Mwaka wa Fedha 2017/2018.

III. MASWALI:

OFISI YA RAIS (TAMISEMI):

130. MHESHIMIWA ZAINAB ATHUMAN KATIMBA (VITI MAALUM):

Atamuuliza Mheshimiwa Waziri wa Nchi, Ofisi ya Rais (TAMISEMI):- Shule za Sekondari za Umma zimeendelea kufanya vibaya katika mitihani ya Kidato cha Nne na Sita, ambapo kwa mwaka 2015 katika matokeo ya Kidato cha Nne watahiniwa waliopata daraja la nne ni 240,996 sawa na asilimia 67.91 na waliopata daraja la sifuri ni 113,489 sawa na asilimia 32.09:-

(a) Je, Serikali ina mkakati gani mahsusi katika kuboresha mazingira ya kujifunzia katika Shule za Umma za Sekondari nchini ikiwa ni pamoja na kufanya ukarabati wa miundombinu ya majengo ya madarasa, mabweni na maabara;

(b) Je, kwa nini Serikali isione umuhimu wa kuifuta kazi Bodi na Menejimenti ya Mamlaka ya Elimu Tanzania na kuiunda upya kutokana na kushindwa kusimamia ubora wa elimu nchini ambayo ni moja ya jukumu lake;

(c) Je, Serikali ina mpango gani wa kuzifufua zilizokuwa Shule za vipaji maalum za Ilboru, Kilakala, Mzumbe na Kibaha zilizowahi kufanya vizuri miaka ya 1990.

131. MHESHIMIWA DKT. SHUKURU JUMANNE KAWAMBWA (BAGAMOYO):

Atamuuliza Mheshimiwa Waziri wa Nchi, Ofisi ya Rais (TAMISEMI):- Kwa muda mrefu sasa, huduma za afya katika Hospitali ya Wilaya Bagamoyo zimekuwa dhaifu sana kutokana na upungufu mkubwa wa miundombinu, vitendea kazi, uhaba wa Watumishi na ukosefu wa dawa:-

Je, Serikali ina mpango gani wa kuboresha huduma za afya katika Hospitali hiyo kwa kuhakikisha upatikanaji wa miundombinu bora, vitendea kazi, kuiongezea Watumishi na dawa za kutosha.

**132. MHESHIMIWA ROSE KAMILI SUKUM
(VITI MAALUM):**

Atamuuliza Mheshimiwa Waziri wa Nchi, Ofisi ya Rais (TAMISEMI):- Serikali hupeleka fedha kwenye Halmashauri baada ya kupokea mpango kazi wa maendeleo au matumizi ya kawaida kwa Halmashauri husika. Kama ikitokea fedha zaidi zimepelekwa katika Halmashauri, maana yake kuna Halmashauri imepelekwa kidogo:-

- (a) Je, kwa nini fedha za ziada zisirudishwe Hazina na badala yake zinaombwa kutumiwa na Halmashauri ambayo haikuwa na mahitaji nazo;
- (b) Je, Halmashauri ambazo zinakuwa zimepelekwa fedha kidogo zinafidiwa vipi ili kukidhi maombi ya mpango kazi wake;
- (c) Je, kwa Halmashauri inayotumia fedha hizo bila ya kusubiri maelekezo kama ilivyo pale inapokuwa ziada kuwekwa kwenye Akaunti ya Amana kama Memorandumu ya Fedha ya Mamlaka ya Serikali za Mitaa Kifungu Na.9(2)(e) kinavyoelekeza, endapo itabainika wanachukuliwa hatua gani.

WIZARA YA UJENZI, UCHUKUZI NA MAWASILIANO:

133. MHESHIMIWA DOTO MASHAKA BITEKO (BUKOMBE):

Atamuuliza Mheshimiwa Waziri wa Ujenzi, Uchukuzi na Mawasiliano:- Wakati wa Kampeni za Mwaka 2015 Rais wa Jamhuri ya Muungano wa Tanzania aliahidi kilometa 5 kwenye Mji wa Ushirombo:-

Je, ni lini ahadi hiyo itatekelezwa.

134. MHESHIMIWA CECIL DAVID MWAMBE (NDANDA):


Atamuuliza Mheshimiwa Waziri wa Ujenzi, Uchukuzi na Mawasiliano:- Barabara ya Masasi – Nachingwea imekuwa na matatizo kwa muda mrefu ya kupitika kwa shida:-

Je, Barabara hiyo itajengwa lini kwa kiwango cha lami ili kufanya Wananchi wa Jimbo la Ndanda waondoe imani kuwa wametengwa.

135. MHESHIMIWA INNOCENT SEBA BILAKWATE (KYERWA):

Atamuuliza Mheshimiwa Waziri wa Ujenzi, Uchukuzi na Mawasiliano:- Barabara ya kutoka Mgakorongo, Kigarama mpaka Murongo iliwekwa kweye Ilani kuwa itajengwa kwa kiwango cha lami na Wananchi waliokuwa ndani ya mradi waliowekewa alama ya X wanashindwa kuendeleza maeneo yao wakisubiri fidia zaidi ya miaka mitano sasa:-

- (a) Je, ni lini Wananchi hawa watapewa fidia ili waendeleo na mambo ya kimaendeleo;
- (b) Je, ni lini ujenzi wa barabara hiyo utanza.



WIZARA YA KATIBA NA SHERIA:



136. MHESHIMIWA YUSSUF HAJI KHAMIS (NUNGWE):

Atamuuliza Mheshimiwa Waziri wa Katiba na Sheria:- Mwaka 2009 Serikali ilikamata Meli ya Uvuvi MFV TAWARIQ, Nahodha wake Tsu Chin Tai pamoja na watu wengine 36 walishtakiwa Mahakama Kuu kwa kesi ya Jinai Na. 38 ya Mwaka 2009. Kwa amri ya Mahakama samaki tani 296.3 wenye thamani ya Tsh.2,074,000,000/= waligawiwa bure. Aidha,

meli hiyo ilizama ikiwa inashikiliwa kama kielelezo. Tarehe 23/2/2012 watuhumiwa wawili walihukumwa kifungo na walikata Rufaa Mahakama ya Rufaa ambapo tarehe 25/3/2014 waliachiwa huru na sasa ni miaka saba (7) tangu meli hiyo ikamatwe:-

Je, Serikali itarudisha lini Tsh.2,074,000,000/= ambazo ni thamani ya samaki na fedha ambazo ni thamani ya Meli kwa Mwakili wa Nahodha wa Meli hiyo.

WIZARA YA MAJI NA UMWAGILIAJI:

137. MHESHIMIWA SILYVESTRY FRANCIS KOKA (KIBAHA MJINI):

Atamuuliza Mheshimiwa Waziri wa Maji na Umwagiliaji:- Kazi kubwa ya ujenzi wa mradi wa bomba la maji kutoka Ruvu Juu kupitia Kibaha Mkoani Pwani hadi Kimara jijini Dar es Salaam imeshafanyika:-

Je, ni lini mradi huo kwa upande wa Kibaha Mjini utakamilika na Wananchi waweze kupata maji ya uhakika.

WIZARA YA AFYA, MAENDELEO YA JAMII, JINSIA, WAZEE NA WATOTO:

138. MHESHIMIWA OLIVER DANIEL SEMUGURUKA (VITI MAALUM):

Atamuuliza Mheshimiwa Waziri wa Afya, Maendeleo ya Jamii, Jinsia, Wazee na Watoto:- Upungufu wa dawa katika Hospitali mbalimbali za Serikali nchini umeleta athari kubwa kwa Wananchi wa Mkoa wa Kagera na Wilaya zake zote:-

Je, Serikali inakiri uwepo wa upungufu wa dawa nchini na kama inakiri hivyo inawaambia nini Wananchi kuhusu tatizo hilo.

WIZARA YA ELIMU, SAYANSI NA TEKNOLOJIA:

139. MHESHIMIWA MARY PIUS CHATANDA (KOROGWE MJINI):


Atamuuliza Mheshimiwa Waziri wa Elimu, Sayansi na Teknolojia:- Mwaka 2001 Chuo cha Ualimu Korogwe kwa kushirikiana na Wananchi walianza ujenzi wa maktaba ambayo bado haijakamilika na kwa kuwa Wanachuo na Wananchi wa Korogwe wanahitaji sana maktaba hiyo:-

Je, Serikali itakuwa tayari kusaidia juhudi zilizokwisha kuanza ili kukamilisha jengo hilo.

IV. HOJA ZA SERIKALI:

WAZIRI WA AFYA, MAENDELEO YA JAMII, JINSIA, WAZEE NA WATOTO:

Kwamba, Bunge sasa likubali kupitisha Makadirio ya Mapato na Matumizi ya Wizara ya Afya, Maendeleo ya Jamii, Jinsia, Wazee na Watoto kwa Mwaka wa Fedha 2017/2018.



**DODOMA
3 MEI, 2017**

**DKT. T. D. KASHILILAH
KATIBU WA BUNGE**